



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-410, fax: 586-444

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Pravilnika o kriterijima i raspodjeli novčanih sredstava za dodjelu jednokratne novčane pomoći penzionerima koji su korisnici minimalne penzije, broj: 09-31-100/26 od 28.01.2026.godine, Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj: 2/26), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje:

JAVNI POZIV
za dodjelu novčanih sredstava za jednokratnu novčanu pomoć penzionerima koji su
korisnici minimalne penzije

I – PREDMET JAVNOG POZIVA

Predmet Javnog poziva je dodjela jednokratne novčane pomoći penzionerima koji su korisnici minimalne penzije.

II – FINANSIJSKA SREDSTVA

Finansijska sredstva za dodjelu jednokratne novčane pomoći raspoređivat će se u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći penzionerima koji su korisnici minimalne penzije (u daljem tekstu: Pravilnik) sa budžetske pozicije:

- 614239 – grant penzionerima u stanju socijalne potrebe;

Ukupan iznos planiranih sredstava u Budžetu Općine Vogošća za 2026. godinu iznosi 100.000,00 KM.

Iznos jednokratne novčane pomoći je utvrđen Pravilnikom.

III – USLOVI ZA OSTVARIVANJE PRAVA

Uslovi za ostvarivanje prava su:

- 1) da podnosilac zahtjeva ima prijavljeno prebivalište na području općine Vogošća najmanje 1 (jednu) godinu neposredno prije podnošenja zahtjeva;
- 2) da je podnosilac zahtjeva korisnik minimalne penzije bez drugih redovnih mjesečnih prihoda;
- 3) da članovi zajedničkog domaćinstva ne ostvaruju druge redovne mjesečne prihode;
- 4) da podnosilac zahtjeva i članovi domaćinstva nisu ostvarili drugi vid jednokratne novčane pomoći putem Službe za boračko-invalidsku i socijalnu zaštitu.

IV – POTREBNA DOKUMENTACIJA

Prilikom prijave potrebno je dostaviti sljedeću dokumentaciju u originalu ili ovjerenoj fotokopiji:

- 1) čitko popunjen i potpisan propisani obrazac zahtjeva,
- 2) izjavu o zajedničkom domaćinstvu (kućna lista);
- 3) uvjerenje o kretanju za podnosioca zahtjeva (ne starije od 1 mjeseca);
- 4) dokaz da je podnosilac zahtjeva korisnik minimalne penzije (ček od penzije ili uvjerenje Federalnog zavoda za PIO);
- 5) dokaz da članovi domaćinstva ne ostvaruju redovne mjesečne prihode (uvjerenje Javne ustanove „Služba za zapošljavanje Kantona Sarajevo“ ili Potvrda o statusu Porezne uprave FBiH);
- 6) uvjerenje o primanjima putem Službe za boračko-invalidsku i socijalnu zaštitu (službeno);
- 7) uvjerenje o primanjima putem Službe socijalne zaštite općine Vogošća (službeno);
- 8) dokaz o broju tekućeg računa podnosioca zahtjeva;

V – POSTUPAK DODJELE JEDNOKRATNE NOVČANE POMOĆI

- 1) Nakon provedenog postupka utvrđivanja ispunjavanja svih propisanih uslova, Općinski načelnik, putem nadležne Službe, donosi Rješenje.
- 2) Isplata se vrši direktno na transakcijski račun korisnika.
- 3) Zahtjevi koji ne ispunjavaju uslove ili su podneseni nakon utroška planiranih budžetskih sredstava odbijaju se Zaključkom Općinskog načelnika putem nadležne Službe.
- 4) Protiv Rješenja ili Zaključka može se izjaviti žalba Drugostepenoj stručnoj komisiji Općinskog vijeća u roku od 15 dana.
- 5) Podneseni zahtjev važi samo za kalendarsku godinu u kojoj je podnesen.

VI – POSTUPAK PODNOŠENJA ZAHTJEVA

Zahtjevi sa traženom dokumentacijom po ovom Javnom pozivu podnose se direktno na protokol Općine Vogošća ili putem pošte na adresu:

OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća

sa naznakom: „**Prijava na Javni poziv za dodjelu novčanih sredstava za jednokratnu novčanu pomoć penzionerima koji su korisnici minimalne penzije**“

Javni poziv ostaje otvoren do 31.12.2026. godine ili do utroška planiranih budžetskih sredstava.

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuni i neblagovremeni zahtjevi se neće razmatrati.

Broj: 09-31-100-1/26
Vogošća, 30.01.2026.godine

OPĆINSKI NAČELNIK

Migdad Hasanović